



БОСНА И ХЕРЦЕГОВИНА
Брчко дистрикт Босне и Херцеговине
ФОНД ЗДРАВСТВЕНОГ ОСИГУРАЊА

BOSNA I HERCEGOVINA
Brčko distrikt Bosne i Hercegovine
FOND ZDRAVSTVENOG OSIGURANJA

Бука С. Караџића 4, 76100 Брчко дистрикт БиХ, тел. +387 49 211 102; 216 344, факс 215 116, ИБ 4600222830003:
Vuka S. Karadžića 4, 76100 Brčko distrikt BiH, tel. +387 49 211 102; 216 344, faks 215 116, IB 4600222830003:

web: www.fzobrcko.ba, E-mail: fzobrcko1@teol.net,

Broj: 015-180/7-UO-29/26

Brčko, 27.03.2026. godine

Upravni odbor Fonda zdravstvenog osiguranja Brčko distrikta BiH, na osnovu člana 16 stav (1) tačka r) Odluke o osnivanju Fonda zdravstvenog osiguranja Brčko distrikta BiH („Sl. glasnik Brčko distrikta BiH“ brojevi: 1/07, 8/07, 7/11, 45/14, 20/16, 7/18, 11/20 6/21 i 3/23), Finansijskog plana Fonda zdravstvenog osiguranja za 2026. godinu i Odluke o programu utroška sredstava, broj predmeta 13-000351/26 od 05.03.2026. godine, na 21. redovnoj sjednici održanoj 27.03.2026. godine, d o n o s i

O D L U K U

O UTVRĐIVANJU PROGRAMA FINANSIRANJA SENZORA ZA KONTINUIRANO MJERENJE ŠEĆERA U KRVI

Član 1 **(Opšte odredbe)**

Ovom Odlukom utvrđuje se Program nabavke aparata za bezbolno i kontinuirano mjerenje šećera u krvi sa pripadajućim potrošnim materijalom finansiranjem senzora za kontinuirano mjerenje šećera u krvi prema vrsti aparata (čitača) osiguranim licima Fonda zdravstvenog osiguranja Brčko distrikta BiH (u daljem tekstu: Fond) oboljelim od dijabetesa - TIP 1 koji su na intenziviranoj terapiji insulinom i licima kod kojih je izvršen operativni zahvat pankreatektomije, medicinski i nemedicinski kriterijumi, obim prava, finansiranje, izvori sredstava i druga pitanja od značaja za provođenje ove Odluke.

Član 2 **(Kriterijumi za odobravanje)**

- (1) Nemedicinski kriterijumi neophodni za odobravanje sredstava za nabavku aparata i/ili senzora za kontinuirano mjerenje šećera u krvi su:
 - a) da je podnosilac zahtjeva osigurano lice Fonda i
 - b) da se nalazi na listi oboljelih od dijabetesa - TIP 1 koja je usaglašena i verifikovana od strane Udruženja dijabetičara Brčko distrikta BiH i Odjeljenja za zdravstvo i ostale usluge Vlade Brčko distrikta BiH ili u registru oboljelih od dijabetesa - TIP 1 JZU u „Zdravstveni centar Brčko“ Brčko distrikt BiH.
- (2) Medicinski kriterijumi koji se dokazuju medicinskom dokumentacijom i koji su neophodni za odobravanje sredstava za nabavku aparata i/ili senzora kontinuirano mjerenje šećera u krvi su:
 - a) nalaz i mišljenje nadležnog ljekara specijaliste endokrinologa/interniste/pedijatra kojim se dokazuje da je osigurano lice oboljelo od dijabetesa - TIP 1 na intenziviranoj terapiji insulinom i
 - b) medicinska dokumentacija da je osigurano lice na terapiji insulinom i kod kojeg je izvršen operativni zahvat totalne pankreatektomije (odstranjenje gušterače).

- (3) Ukoliko osigurano lice ispunjava sve kriterijume osim kriterijuma iz člana 2 stav (1) tačka b) ove odluke, Fond može pribaviti od JZU „Zdravstveni centar Brčko“ Brčko distrikt BiH, odnosno nadležne organizacione jedinice podatke o ispunjenosti propisanog uslova.

Član 3 (Obim prava)

- (1) Fond osiguranim licima iz člana 2 ove odluke, odobrava nabavku i finansira senzore za bezbolno i kontinuirano mjerenje šećera u krvi, prema vrsti aparata/čitača i to:
- a) jedan (1) aparat sa pripadajućim sensorima za jednogodišnju primjenu, u ukupnoj količini do 26 (dvadesetšest) senzora u iznosu do 130,00 KM (stotnutridestkonvertibilnihmaraka) po jednom (1) senzoru ili
 - b) za lica koja posjeduju aparat/čitač, u ukupnoj količini do ukupno 27 (dvadesetsedam) senzora za jednogodišnju primjenu u iznosu do 130,00 KM (stotnutridestkonvertibilnihmaraka) po jednom (1) senzoru.
- (2) Za osigurana lica koja ispunjavaju uslove propisane ovom Odlukom, ukupan broj senzora se odobrava periodično, u količini za period u trajanju do četiri (4) mjeseca.
- (3) Rok korišćenja aparata/čitača je najmanje 36 mjeseci.

Član 4 (Ostvarivanje prava)

- (1) Osigurano lice pravo na nabavku aparata i/ili senzora za kontinuirano mjerenje šećera u krvi ostvaruje na način da Fondu dostavi:
- a) prijedlog za nabavku na odgovarajućem obrascu izdat od strane nadležnog ljekara primarne zdravstvene zaštite,
 - c) kopija nalaza i mišljenja doktora specijaliste endokrinologa/interniste/pedijatra iz JZU „Zdravstveni centar Brčko“ Brčko distrikt BiH o potrebi nabavke aparata i/ili senzora za kontinuirano mjerenje šećera i da je osigurano lice oboljelo od dijabetesa - TIP 1 na intenziviranoj terapiji insulinom ili
 - d) medicinska dokumentacija da je osigurano lice na terapiji insulinom kod kojeg je izvršen operativni zahvat totalne pankreatektomije (odstranjenje gušterače).
- (2) Fond po podnesenom zahtjevu iz stava (1) ovog člana utvrđuje ispunjenost uslova propisanih ovom Odlukom, na način da nadležni referent u Fondu vrši obradu zahtjeva i isti prosljeđuje prvostepenoj komisiji Fonda za utvrđivanje prava na zdravstvenu zaštitu koja donosi Odluku o pravu na nabavku aparata i/ili senzora za kontinuirano mjerenje šećera u krvi određivanjem količine i iznosa novčanih sredstava za finansiranje nabavke aparata i/ili senzora za bezbolno i kontinuirano mjerenje šećera na teret sredstava budžeta Brčko distrikta BiH i Fonda.
- (3) Ukoliko osigurano lice nakon donošenja odluke komisije iz stava (2) ovog člana vlastitim sredstvima izvrši nabavku aparata i/ili senzora za kontinuirano mjerenje šećera, podnosi Fondu zahtjev za refundaciju novčanih sredstava uz koji, pored dokumentacije propisane ovom odlukom, dostavlja i:
- a) originalni račun/e o nabavci aparata i/ili senzora za kontinuirano mjerenje šećera koji mora sadržavati i lične podatke, odnosno odgovarajuću poveznicu sa korisnikom senzora, a za maloljetna lica poveznicu da jednim od roditelja/staratelja i
 - b) fotokopiju tekućeg računa u otvorenom u nekoj od banaka u BiH, a za maloljetna lica tekući račun jednog od roditelja/staratelja.
- (4) Osiguranom licu kojem odobrena nabavka aparata i senzora za kontinuirano mjerenje šećera, u periodu korišćenja prava na nabavku aparata i senzora za kontinuirano mjerenje šećera, ne može biti odobrena i nabavka dijagnostičkih trakica za samokontrolu šećera u krvi i obratno.

Član 5
(Sredstva)

Sredstva za finansiranje aparata i senzora za bezbolno i kontinuirano mjerenje šećera za potrebe osiguranih lica iz ove odluke obezbjeđuju se iz budžeta Brčko distrikta BiH.

Član 6
(Stupanje na snagu i primjena)

Ova Odluka stupa na snagu danom donošenja i primjenjuje se za 2026. godinu.

PREDSJEDNIK UPRAVNOG ODBORA

Ilija Anić, dipl. ekonomist, s.r.

